



Ieroboam est repris du Prophete pour son idolatrie, qui courroucé le fait prendre; dont la main luy seche.

LE Roy Ieroboam regnant sur les dix lignées d'Israël, auoit erigé sur les hauts lieux les veaux d'or pour estre adorez, dont il fut repris par le Prophete, qui luy dit en s'escrifiant, Autel, Autel, voicy que dit le Seigneur, Vn fils naistra de la maison de Dauid nommé Iosias, qui immolera sur toy les Prestres des hauts lieux, qui allument les encens sur toy. Et quand le Roy ouïyt ces paroles que ce Prophete homme de Dieu auoit crié contre l'Autel, il estendit sa main en disant, Empoignez-le, mais sa main deuint seche, & l'Autel fut rompu. Alors le Roy dist au Prophete, Prie la face de ton Dieu pour moy, & l'homme de Dieu pria pour luy, & sa main retourna saine. Adonc le Roy le pria de venir chez soy pour repaistre, ce qu'il refusa, d'autant que le Seigneur luy auoit deffendu de boire ny manger en aucun lieu. Ainsi s'en alla le Prophete, mais vn autre ancien Prophete ayant sceu ses œuvres, alla apres luy, & le deceuant par parole, le fist retourner avec luy pour prendre son repas. Ce qu'il fist contre ce qui luy auoit esté commandé, dont la punition s'en ensuiuit incontinent. Car ainsi qu'il s'acheminoit vn Lyon le tua, & ne fist rien à son corps ny à son asne. Toutesfois il fut enseuely par l'ancien Prophete qui l'auoit destourné de son chemin, & qui en chargea à ses enfans d'estre apres sa mort enseuely & mis apres de luy.